

春雨軒集





春雨軒集卷之一

賦

歌風臺賦

岱岳截雲黃河觸雷豐沛曼衍青徐縈迴數仞崩巒九層
崔嵬危基立壁疊砌欲摧雨剝沙石烟悽莓苔野樹消沉
陰雲晝霾征馬過之振鬣而躑躅飛鳥欲度斂翼而悲哀
顧父老而問曰茲所謂漢高皇帝湯沐之邑歌風之遺臺
也耶想夫坑灰未冷添烟尚凝使者獻璧瀉池告靈沙丘

鄱陽劉炳彥昂著



抄本
一
春 雨 軒 集

之輜車未啓四海之鮑魚煽腥望夷鹿失草澤蛇驚西郊
之鬼母屢泣芒碭之龍氣已成爾其實劍始握赤幟一麾
龍吟而風雨奮激虎嘯而草木靡披陳涉感鴻鵠之嘆張
耳動燕雀之悲燕趙劇壘齊魏偃旗于以率三軍之衆于
以陳九伐之師拯生民于水火甦大旱于虹蜺迨夫關輔
前駟函谷既闢轟雷隱輦長雲列戟殺氣填空腥烟簸礫
劍光迸星麾幢蔽日熊羆震駭虎豹悻慄一戰而土崩瓦
解再戰而揚沙走石天地爲之低昂川海爲之蕩潏及夫
董翳授首章邯失律諸侯王臣俯伏喘息山東豪傑知入

之關先子嬰繫頸降軹道之側所謂百二全秦之山河黯
其無色矣想夫隆準龍顏豁達大度扶義而西莫不景附
囊括圖書封籍府庫玉帛無所取子女無所顧示三章之
約法動萬民之鼓舞化呻吟于謳歌同赤子于慈母慨相見
之何晚恐延留之不固若夫項王喑啞萬人自廢方其入
關莫敢仰視一舉咸陽三月之火益重金刀九鼎之勢及
漢軍于灞上宴鴻門于兒戲將軍有意于督責敢不逡巡
而辟易等餒肉于虎口同垂食于魚餌張良獻玉斗以請
成亞夫示寶玦而肆志衝冠已見于怒髮斗酒何辭于生

彘繫成敗于毫縷賭天地于一擲嗟夫垓下之歌騅兮不
逝徒暗鳴增蓋世之雄知忠厚有回天之力固韓彭之告
功亦蕭曹之成計也及其群雄既削四夷日寧定都宏宮
室之制推功誓帶礪之盟論三傑有股肱之效致四皓有
羽翼之成想其寬仁愛人雄吞八荒已化家而爲國念桑
梓之莫忘六轡既啓八鸞載將黃屋前設紫蓋後張翠華
耀虹霓之彩金鉞晃日月之光千羽舞于兩階旌節列于
五方千官景從萬騎騰驟馳道塵清于草色輦路雨霽而
春芳駕鼓車于橐駝奏簫韶于鳳凰宮仗璀璨仙班琳瑯

爰止舊都旋歸故鄉萬姓嵩呼里閭輝煌父老懽騰而謳
歌兒童駿奔于壺漿會故人而置酒因起舞而增傷登高
翹首指顧舉裳悲壯慷慨感昔徬徨須千秋之萬歲終魂
魄之來翔威已加于四海德威被于萬邦慨猛士之何在
思守成于四方瞻雲氣于昭回歌大風之飛揚思示儆于
來裔闡制作于非常迺命太史協吉呈祥高山是甸因阜
爲岡厥土燥剛厥位面陽既經且營爰度而量繚版榦之
轟：勒畚築之鏜：萬杵既殷百庸克襄咸鳩工而畢事
爭輸力而踉蹌何經始之不日宜庶民之交相也嗟乎姑

蘇壯麗銅雀迤邐構炫日之雕題貯如雲之歌妓奏午夜
之歌鐘艷三春之羅綺恣聲色于荒淫塗生民于膏髓終
麋鹿之來遊亘後世其誰齒孰若我皇海宇一匡安不忘
危內脩外攘仁以為紀義以為綱禮以為隄智以為防卷
坏土奠乎九域竝八柱表乎中央所以成漢家四百年之
基業垂鴻猷于萬代而無疆也

脩竹賦

繫綠竹兮脩、羅生兮庭之幽體匪草兮匪木質克剛兮
克柔非分榦兮淇園之澳必濯根兮渭川之流爰貞心兮

自守故堅節兮獨道凌霜雪兮素操不改凝雲烟兮繁陰
愈稠豈競芳兮桃李欲干勢兮斗牛清風兮戛玉寒光兮
翠浮動西風兮三徑夜雨淡明月兮空庭暮秋其清也巢
由兮未擬其直也史魚兮莫儔其虛也顏回兮屢空于陋
巷之下其潔也夷齊兮不食于首陽之隈亦託跡于蔣詡
曾結知兮王猷唐六逸兮是隱晉七賢兮實遊或述典謨
兮傳簡于翰墨或託宗廟兮列籩于庶羞或同勲兮桑弧
或協律于鳴球宜比德兮君子終化龍兮莫可留也極遐
思兮仙子終騖鸞兮莫可求也亂曰君山暮兮湘雲飛洞

庭波兮春離、吹參差兮增我悲洞庭波兮湘水深竹上
之淚兮秋陰、歌滄浪兮傷我心

春雨軒集卷之二

鄱陽劉炳彥著

操

箕山操

清流決、箕山之陽樛木森、箕山之陰嗟、巢父豈洗
其耳實潔其心

崩城操

朝從城上哭長城與雲齊暮從城上哭長城化為泥嗚呼
城已崩兮猶可築夫君死兮身可贖妾寧化魚溜水底立

廟祀君之血食

石婦操

朝之山頭望日之願夫歸夫君不歸將疇依妾身已一難
再失寧向山頭化為石山崩石應墮江水千年萬年清到底

前旌操

同舟幸濟兮予豈無咎前旌喪原兮盜莫之究仰叩天兮
青之俯呼地兮冥之爾由我死兮竟沒身于無罪予敢愛
生兮致淑德于無旌嗚呼兮已與尸于故國誓甘執鞭兮

九京

殘形操

夢生于觸兮狸偶異形吉凶有定兮夢何足憑嗟之巫咸
兮不疑何徵

履霜操

嗟謔言之構兮父豈無知父將不聞兮母心則離朝履霜
兮夕採梲食撫二弟兮惟順弗違嗟之蒼天兮父母孔安
兒兮兒兮死矣以悲

桑中操

秋胡歸陳息桑陰兮見彼美姝悅以金兮重色忘金親何
荒淫兮嗟彼丈夫無恒心兮婦以義決誠千載之歲兮

精衛操

海石白凝雪海波青照天啣石填海無窮年但願滄海揚
塵化為土爾無冤兮爾無苦

春雨軒集卷之三

鄱陽劉炳彥著

樂府

出塞

九重頒鳳詔單于入井陘三邊徵候騎五道出奇兵戰雲
連陣黑烽烟照漢青蛇文弓掛月龍氣劔流星酬恩不顧
命金印斗來檄

入塞

旄頭昨夜飲徵兵入漢關將軍定勛業壯士悲刀環旗裂

雕雲畫衣裳龍錦團積月老鄉淚風沙銷箭瘢閨中謾歌
舞今日到長安

劉生

健兒如馬駒墮地便有千里足平生忠與孝拳拳唯佩服
烈女不自媒美玉原韞匱豈無匡濟心四海作霖雨命佐
與時違長嘯向廬墓

邯鄲行

白日下叢臺野曠秋風早不聞歌吹聲安遺往來道傷心
却憶平原君墓上牛羊踏荒草

寒夜怨

月來愁亦來心憐月去愁應改樓高月轉遲停筆坐倚熏
籠待月落却成眠誰知枕冷愁仍在

同雲

同雲四翳霖雨其滂虎嘯谷風鳳鳴朝陽呂望歸周尹摯
佐湯仲父齊霸諸葛漢昌氣以類感道由義彰功濟九有
千載之光

飛龍篇

扶桑戢彩崦嵫匿輝六轡既遠長戈莫揮盛年不重歡當

以歎蘇秦未遇妻自織百里去家炊糜房栖：燕與雀安
知鴻鵠悲

玉階怨

風開翡翠簾霜滿芙蓉葉欲上象牙床鴛鴦冷還怯

獨處愁

金屋人稀到閉螢去復回攬衣離鳳閣緘思捲鸞臺惟有
多情月流光入妾懷

烏棲曲

烏夜啼梧桐樹愁夢回腸應苦蘭膏照樹光啼烏去夜未

央梧桐葉底清露墜一聲一滴相思淚

河中之水歌寄劉子雍程伯羽同賦

河之水向東北洛陽女兒好顏色八歲畫娥眉九歲學裁
衣十年多織字十一拋梭攀錦機十二刺繡紋十三能賭
碁十四彈箜篌十五總上頭髻偏斜戴金圍鳳臂弱不勝
珠絡鞦羅帏垂起傷春瘦畫閣粧成對日羞十六妖嬈解
歌舞容色比花：不語堆：生怕下階行三寸春嬌雲一
縷行媒將聘嫁周郎桂柱蘭臺錦作房比翼鏡奩粧玳瑁
合歡裙帶繡鴛鴦茱萸露濕珊瑚枕蘊合香薰翡翠床生

憎啼鳥催春去不忍啼鳥怨夜長
杯成連理生何幸釵合
同心死不忘眼前節物年
度只恐芳華不相顧南陌
芙蓉午夜霜東園桃李三
春樹雨君當為妾秉燭遊
東海為缸糟作丘妾當為
君起金謳春風莫遣人間
愁

烏生同劉子憲賦

慈烏知返哺羔羊乃跪乳嗟
世人何其愚不愛父與母
飛為禽走為獸猶知生所
自衣人衣食不若禽獸為
孟宗泣竹冬筍生王祥求
鯉堅冰傳黃香扇枕席陸
績懷橘還郭巨埋子天乃
賜之金與寶子路負米遙
百里不

敢難拳、奉顏色唯恐母不
懽陶母能剪髮孟母猶三
遷拳、教子心惟恐子不
賢嗟予何敢望古人頓踊
心肝摧生不獲盡養死不
獲盡哀海可竭山可夸終
天之痛不可回誓當廬墓
復啣土庶哉予心千古萬
古

五雜組四首

五雜組架上衣往還復庭下雞不獲已炊糜房
五雜組雲錦裳往復還嗷鴛鴦不獲已守空房
五雜組床上裯往復還橋邊人不獲已行負薪
五雜組織翠裙往復還溪中魚不獲已身當爐

燕子樓同周伯寧賦

寶瑟凝歌統珠箔流蘓結帶黃金索翠香紅裏宿鴛鴦春
風人間無此樂杏梁塵暗麝蘭篝黛銷眉峯掩畫樓殘燈
枕冷梨雲斷秋雨人間無此愁

桃葉青

桃葉青：杏花吐樓頭吹笙教鸚鵡紅牙象板按梁州金
縷衣裳美人舞離情不似月常圓桃葉青：似去年美人
不來鸚鵡怨杏花零落西樓前

烏夜啼練高同賦

城頭烏啼風瑟：露滴銀床秋月白錦屏金屋醉西施歌
長漏短銅壺窄回首繁華散似雲姑蘓臺上鹿成群令人
却憶烏啼月此月還應照後人

鬯熹

聖人務德蠲煩去苛既舞干羽載奏雲和八表雍：含哺
而歌彩霧成群鈎陳景羲娥崑崙渤海不波

來日苦短黃子邕同賦

來日苦短去日苦長人生如朝露不如笑歌置酒臨高堂
春風不到九泉下盛年一去難再芳老行及之徒悲傷

來日苦短去日苦催人生如朝露不如笑歌置酒臨高臺
舊時歌舞今已矣章華百尺連青苔若行及之徒悲哀

惜別辭端孝思同賦

玳瑁筵前海榴樹歌舞翻成離別處花間藏却珊瑚鞭手
挽郎衫怕郎去

纖腰蛾眉眼如醉惜別含羞枕郎臂鴛鴦枕上淚垂垂一
聲一滴真珠淚

東武吟

壯年投筆去手提三尺筆戎衣終至解短劍光陸離國士

每自許獨賴相公知解衣我寒推食充我飢心懷犬馬
報未有涓埃施十年在幕府徒將文墨持前星一夜落天
地暗無輝功勳都若夢却曲各分違春草門前綠空遺樵
馬嘶月痕弓上掛雲影旆猶垂霸氣風雲散姓名復誰題
落日將軍樹淒涼過客悲長哀波浩蕩不盡淚如絲

明妃曲

胭脂馬雕鷹旗狐裘蒙茸金絡羈白玉作鞭雙袖垂手抱
琵琶紅淚滋黛雲半軀顏如玉春嬌學得蛾眉綠自擬將
身寵漢宮誰憐薄命歸胡俗窮陰絕漠易悲辛落日哀笳

處、聞嚴霜夜鏢關頭月朔氣寒飛積裏雲鴻雁蔽天斜
作字駱駝連塞動成群漢家君臣亦良苦却將紅粉和戎
虜廟堂肉食列重衲汗簡如何照古今妾身公得君王憂
萬死胡塵心亦休腸斷年、胡地夢心懸日、漢宮愁百
年一身何足道妾容不似花容好漢家三十六宮春傾國
傾城更有人君王故殺毛延壽特使單于貴妾身

見月行

自憐少小不識月疑是明鏡飛上天但有三五二八夜弯
彎缺、仍復圓悲歡離合每對此風雨陰晴經幾年壯強

已過今老大俯仰嬋娟不勝慨也曾對月客長安蹇驢破
帽西風殘砧聲蕭條夜向夕劍影錯落秋生寒也曾對月
秦樓夜春寒珠箔梨花謝金釵扶醉曉雞催翠被留香煖
餘麝也曾對月把遺經燈火繩樞掩草亭壘甕結冰寒走
靈芒窻露下晚妝螢也曾對月榆關戍百戰沙場士爭死
金瘡卧馬瘡烟青玉帳雕盤陣雲紫也曾對月泊瀟湘有
賈淒涼野店荒菰米黑沉烏啄雪柳條翠減雁啼霜也曾
對月東華道影轉金莖閭闔曉玉殿承恩出苑連瓊林侍
宴簪花早衰病歸來百不成烟簾雨笠學躬畊壯心寐寔

吳牛喘倦翼凋零野雀驚每慚泛渚袁宏詠那復登樓庾
亮情飛蓋青園歌已遠采舟赤壁夢何憑月色不殊人自
改塢葉惟應兔長在寧衣弔古倍增悲長跪臨風獻清酌
朱顏易去不復來一日一醉能幾迴昨日少年今日老且
須置酒登高臺桂花吹香白露下莫惜爛醉黃金罍舊遊
豈無歌舞地銅駝白骨迷蒼苔前人已往今還昔今人寧
無後人憶後人復道後人哀月落銀河瀉空碧

鬼妾行

閨中女兒白于雪縣官娶作專房妾黃金翠羽繡羅襦枕

邊誓死心不渝豈意榮華草頭露好似青藤依枯樹一朝
樹倒藤無依垂垂哀哭牽腸肚依稀無復半年春新官到
任遣媒人駕鸞錦帳重還整鸞鳳金釵依舊新洞房更詰
叮嚀語却說新情還勝故自怨飛花逐水流為憐嬌蝶無
鶯妬傷心忍看主衣裳窻前臨鏡照新粧青銅欲待消磨
盡幾度春風幾斷腸

雙梧生空井

井上雙梧桐秋風易搖落綠葉墮鳴璫清陰捲重幄紋甃
生旅蔡銀瓶響空索疏枝覆烏臺交柯臨鳳閣美人矜容

儀照影傷今昨鉛華逐波逝歡賞隨年薄行客攀轆轤哀
聲隔簾箔

紫駟馬寄朱士正

紫駟馬雕鞍鞵來汗如赭恨即騎馬過章臺醉月眠花即
不來即若歸時捋馬鬣無馬尋春即莫怪

金銅仙人辭漢歌周伯寧同賦

漢家黃金如土積鑄作仙人一千尺緱氏山頭曉日紅太
乙祠前露華碧瑤漿凝彩剪雲漸玉屑無痕浸寒液安期
日候神仙王母朝見鳧舄千門萬戶建明光上苑南

山繞柏梁春滿甘泉千樹綠波涵太液百花香白麟朱雁
呈祥瑞寶鼎芝房薦樂章詔遣衛青將驃騎使通司馬拜
中郎待邊親駐狼居外出塞兵藏馬邑旁龍馬錦韉來上
谷蒲萄銀甕出西涼李陵臺畔西風冷蘓武坡前落日荒
暮年始下輪臺詔思子宮前雙淚繞壯志淒涼天下悲巡
幸東從海上迴封禪無成還竭石長生不復望蓬萊鼎湖
龍去秋蕭瑟金鳧銀雁燈如漆空遺弓弩慘無神青龍使
者宮車出萬牛如山千里來老淚裂皆銅仙催前車未改
後車轍肯人不盡今人哀傷心秋草茂陵苑又見東風銅

雀臺

蘓小三歌同端孝思賦

棠梨花開春日遲
綠窻銀瓶鸚鵡啼
玉驄慣識尋芳路
手
紹同心約即去

上之回

上之回紫闕拂曙紅
雲開蛟龍懸旌麗
曉日駱駝駕鼓鳴
春雷前勾陳
後玄武
鳳凰未儀百禽舞
左黃鉞右白旄
萬國稽首諸侯朝
玉帛如山不成計
天子之壽四萬八千歲

行路難寄劉貴

奉君五綵鳳皇之綺幄
七寶鴛鴦之錦床
博山氤氳之水
屑金盤
沈瀧之瓊漿
春風無情不相待
朱顏綠鬢年
改
姑蘓臺上鼓如雷
四時歌舞百花开
當年意氣今安在
鬼
火如燈秋似海

董嬌娘為周郁賦

妾家住邯鄲
少小矜容顏
七歲畫娥眉
十歲垂髻鬟
十三
刺繡人前坐
十五秦箏架上彈
紅粉樓高臨大路
自恃芳
年五門戶鸚鵡春
眠芍藥闌
驕驄晚繫垂楊樹
梅點香奩
玉作鈿蓮移羅襪
金為步朝歌
暮飲綺羅叢
東園桃李鬪

春風黛疑柳淺勻朝翠朱訝櫻濃洗晚紅燭圍錦帳宵常
曙香靄雕籠夕未空秋月春花等閑度誰憐窈窕迎新故
夜，三 處迷洛浦雲朝，枉結陽臺雨帶縮同心只自憐枕
期連理翻成誤眼前相愛豈相知彈指風塵節序移只道
青春鎮長好那知白髮易如絲容顏銷歇鶯花冷歌舞淒
涼鞍馬稀昨日尊前雙淚落誰似周郎情不薄得配鴛鴦
死亦拚願諧魚水生相託青鳥緘書封莫遲秦樓腸斷夜
烏啼君卿豈羨東牆約梁氏應同舉案齊

迎春曲

燕梁彩飄金鳳喧翠衿小兒雙髻懸珊瑚鞭折金鎖掣九
地神牛飛上天東郊轆轤鳴紫犢綠蕪一片玻璃軟柳眉
桃臉紅霏，東園蝴蝶西園飛

虞美人詞

萬人劍氣真羅虎寶玦鴻門悲亞父陰陵失道豈天亡志
輕仁義為降虜淒涼垓下楚歌哀玉碎花飛報危主至今
荒塚說虞姬一去繁華名不死君不見玉環香斷九泉扃
萬古滄波流不清

魏文侯與蘇秦

蘇秦說秦曰秦天下之望也

天下之所歸也

天下之所歸也

蘇秦說秦曰

蘇秦說秦曰

蘇秦說秦曰

蘇秦說秦曰

春雨軒集卷之四

都陽劉炳彛著

五言古風

擬古

今人多結勢古人多結心
結勢多趨利結心能斷金
義不固利厚害彌深
往者不咎昔來者當鑒今

魏文侯與蘇秦

晚雨池上晴透迤
淡將夕金莖華月生
綺樹流雲濕窅虛
漏聲水慢捲爐烟
鬢憶我同袍人何由共瑤席

宿雨曉還歇開窓銷鬱沉烟光靄芳樹池上鳴幽禽逶迤
瞻郡齊窈窕期盍簪孤懷屢百積群疑思一箴何時聯夜
榻春漏委波聲

左掖門朝退呈吳侍制諸公

謬忝金闈籍聯班趨晚朝遠迤西上門窈窕長安橋殘雪
帶遠樹夕陽在山腰不有同袍者疇能憫寂寥

張禮部卧疾

殘雪晚還霽寬虛斜日迴故人久卧疾空階生綠苔兒童

諸藥裏吏檟委塵埃浮榮每為幻長嘯望層臺

別京邑之東阿

前年別鄉閭今年出京邑悠々去江漢杳々事行役所懼
心志遠况此風波急烏啼楓樹烟雁下蘆洲夕回首望長
安蒼茫寸心失

憶園廬

種園在東臯草荒瓜蔓長日落秋樹涼寒衣獨還往時逢
野老憇自足田園賞沁溪暝忘歸古寺烟鍾響

示宜學績學甲戌三月題

阿爺五十四憐汝德始生鬼育夙夜謹眉目秋水清行如
生鹿跳語若流鶯鳴常時恣嬌頑計日期長成爾祖豪傑
姿聲聞州郡歛一顧等成敗片言能重輕田園巨阡陌兵
火成榛荆棘千頃遺寸波百田終一塔官租因訟致薄業
寧躬畊不辭生理苦所懼徭役并嗟予早失怙慈親訓遺
經遭時風塵黑扶日雲霄青簪筆侍禁闈通籍居承明哀
年遂冉之薄宦徒營之辭官歸故園葺屋依先塋看花眼
如霧種竹髮已星負無金在囊家有書滿籬念汝未強壯
立身恐伶俜痛逼骨肉懷感慈肝胆驚男兒在忠孝業學

崇勛名題詩冀汝識惻我桑榆情

賦清華堂詩

皇威戒安逸翰苑游神機天球列東序玉藻羅北扉
紫氣潤璀璨虹光輝奎彩動黃閣文光照丹墀鼓枹洙泗
源遵舟伊洛涓梁追昭明轍漢軼東平輓瀛洲浮暖吹銀
潢演春漪芝蟠五色葉桃發萬年枝墨沼鸞群浴書林燕
子飛花陰移竊伏竹色來鳳儀共沐恩波潤咸蒙聖澤滋
河清仰文化同軌固磐基

聽雨堂為安成周氏賦

中年迫宦遊，邈若胡與越。悠々烟樹遙，杳々關河絕。况茲
風雨夕，坐相鴻雁隔。篋墳寧共理，孤燈耿還滅。懷寶重經
濟，括囊貴明哲。何時對床眠，惻此腸內熱。

敬軒詩為王達善賦

深巷何窈窕，端居掩紫荆。素心每無欲，寡朴輕浮榮。慮靜
默，自守神清淡。忘形危坐白，日晚疎林微。雨晴開窻，幽鳥
啼。湍階芳草青，焚香理綠桐。爰此銷塵纓，孤雲野鶴唳。絕
壑流泉鳴，高懷曠而婉。雅音誰復聽，古人良已久。寸心千
古情。

郡齋讌集詩呈徐用中廣文諸先生

郡齋文墨暇，履端集朋曹。春意霽萱草，臘痕封柳條。窻暄
書蠹散，簾深燼麝飄。嘉園剪新韭，芳壺淇清醪。青甘浮楸
攬，紫馥吹蒲萄。舒此羈旅况，豈誇樽俎豪。禮簡貴情厚，心
親自神交。所念萍水逢，回首江漢遙。何殊瀛洲步，未讓淮
南招。俯仰樹風暮，綢繆幸今朝。題詩謝永好，蕪詞慚草茅。

經白將軍故第

粉牆將暖日，依舊柳條新。上馬臺邊路，春風無一人。畫梁
暗巢雀，綺席委芳塵。桃李東園在，餘香歛翠嚬。

春雨軒集卷之五

七言古詩

經撫河遇雪舟中午睡方起

都陽劉炳彥著

沙溪風寒飛雪狂風大不敢開蓬窓蒙頭裏被睡過午枕
底浪急敢春撞岸上楓林茅屋小新年家、無米糶土竈
作炊烟滿船灰壓濕薪拉叫山僮不諳途旅艱靴綻衣
薄瘦眉攢艱難末路乃如此富貴有夢真邯鄲却憶瓊林
侍宮膳雪花不入黃金殿酒上朱顏萬國春花簪烏帽千

官宴錦箋彩筆賜題詩
仙伏頻移出苑遲
衣惹御香羅袖窄
馬蹄去踏杏花泥

弔晉安將軍歌

荔枝城頭花簇簇
王孫不歸春水綠
黃金臺前烟草荒
傷心獨依青雲哭
淚洒甌江、倒流楚魂暮
咽楓林秋蕉黃
綠醕湘竹語
峴山石斷行人愁
信陵門下簪纓會
珠履筵前幾人在
軍中擊鼓夜不寐
珠翠成行鳴劍佩
王孫王孫真貴人
落筆龍蛇驚鬼神
千金散士馬蹄盡
鐵甲晝眠雙麒麟
桑柘陰、連大路
野市書聲晚當戶
部曲淒涼白髮

稀甘棠猶指將軍樹
玉鳧金雁漆燈殘
化鶴千年何日還
有酒誰澆趙州土
碧血化雨苔班、王孫
王孫不可招仰天
擊碎青桐瑤寸心
何處寫哀素江上年、
生暮潮

承、堂為洪善初題

天狗食月歲靖康
血戰于野龍玄黃
神熬夜泣九淵沸
翠華日薄寒無光
主憂臣辱誓萬死
直以隻手支扶桑
燕山六月雪花大
節旄零落肌膚傷
關河蕭條月色苦
秋風揚沙吹雁行
子卿歸來典屬國
荒陵樹老愁雲荒
至今勛業昭簡策
大書特書遺典章
承、堂前春晝永
身笏金魚堆

滿床芝蘭玉樹競娟秀陶令松菊凝秋光盈缸釀酒介肴
壽槐陰覆階萱草長忠宣盛澤實其美宜爾子孫宜爾昌

題磨崖碑後

錦囊粉黛銷塵土香冷春迷山下鬼梨園子弟散于烟六
么誰按霓裳舞譜梧桐蕭瑟秋雨愁君王歸來多白頭宮
墻瓦落芙蓉苑輦路塵蒙華萼樓牝雞司晨古之訓九齡
先識非阿佞漁陽鼙鼓蔽黃塵埃臨洮戰血生青燐二十
四郡何無人但恨不識顏杲卿國忠既誅林甫死勤王義
旆趨咸京唐室安危誠再造汾陽令公國元老萬國歸心
泰階平九廟無虞陵寢掃大筆特書昭日星龍蛇剝落莓
苔青嗚呼浯水瀉遺恨父老至今雙淚零

題方壺畫為斯貞姪賦

巨然畫與書法同縱筆所至生秋風墨飛原氣瀉沆瀣青
摩斗角連崆峒遠岫平林斷還續苔根斜迸山泉綠釣倚
丹楓野老磯門垂碧柳幽人屋壺公騎鯨白雲鄉壑樹綠
苔相草黃風流文彩今寐寔對畫淚痕沾我裳

大梁行

大梁繁華全盛日官闕浮天耀桃李魏國山河十萬兵信

陵賓客三千履上苑春晴花覆闌闌雞走馬車金鞍銀燭
填街美人過紫蓋陵雲公子還五侯七貴行人避吐胆傾
肝論豪氣朱亥能移晉鄙兵侯嬴自執夷門轡回首英雄
非昔時輦路入稀秋草生迷舊遊歌舞今何處落日狐狸
當樹啼

題蔡宗文趙氏譜牒後

苔連椒壁雲痕濕霓旌無色金仙泣杏花依舊諾胭脂梁
苑凝烟春草碧相逢彷彿說前朝譜牒香遺古錦幪前代
王孫今老矣天潢如髮際雲濤

漢之季哀故御史余公闕守舒城死節而作

漢之季洪流何陽、赤子為龍蛇蔓于漢以誰割我城邑
圖不祥天子曰嘻予何以奉宗廟朝羣臣登明堂曰予近
臣御史闕治爾撫師古舒國閭以外爾制之賜爾三百衛
士斧与節毋贖民毋寃刑苟附而安文武並用禮之經臣
闕昧死頓首泣主憂臣辱敢不力御史騎馬來萬姓淚落
喜且悲子我墜炭民漢官威儀今見之東市牽牛羊西市
羅酒漿紛、列道左御史下馬相扶將諭以天子聖且愛
明見萬里外宵旰不違食共尔飢爾苦顛沛御史雖愚頗

知忠与慈惟爾忠難相扶持鼓爾鼓旗爾旗疾則疾徐則
徐壯者戰守老者居俾爾農桑無奪時桑青、麥茫、牛
羊走立墟御史上城行茅屋人家聞讀書以心感人心敵
至輒敗不敢窺城東啼虎豹城西嘯熊羆斬黃攻始退山
越什、伍、來相圍裏瘡戰城南吮血戰城北大船小船
撐江列嗟城中如流魚御史奮臂城上呼悲風揚塵沙起
白日無光士爭死廩無粟士氣哀朝食城上草暮煮城下
冀癘疫相枕何流離御史斬愛馬士卒不忍食日久援不
來矢盡兵殘益危逼梟騎死野戰烏鷄啣肉流尸疆孤城

生殄瘁土山道地不可當御史誠不德握手謝父老爾民
多殺傷御史登城北面拜稱臣萬死無以報陛下闔室竟
与城俱亡楚山蒼、楚水洋、御史之節功烈顯彰天之
奎壁地之河嶽人之綱常千載弗渝日光普暨誰能置廟
復立社享爾祀爾百世及天下

瞻雲堂為淮西仲良賦

生逢兵革離鄉邑故家門巷兒時識壠上蒼苔覆墓田城
西喬木連寒石每憶年、寒食時輕烟冉、落花稀墳前
斗酒無人酌沙際殘碑有字題漠、長河孤鳥沒九泉路

香嗟何及銀雁秋沉落木黃金蠶春暝寒泉碧漂泊縹塵
幾日歸故衣線斷感春輝終天一掬松楸淚心逐孤雲日
夜飛

題呂花園草堂代宋景濂作

官馬烏靴春踏霜鍾聲催眠趁玉堂黃金帶重覺腰瘦錦
袍淋漓官酒香殿前草詔東風急紫硯光凝墨花濕承恩
簪筆五多時華髮蕭疎倦無力聞道城南舊草堂景勝林
幽引興長碧連淮甸晴波暖青割鍾山晚樹涼種柳萬條
金覆井栽蔬千榦粉連牆薔薇壓架銷囊綴芍藥當軒錦

幄張茵麝香眠石徑嘆翡翠浴蒲塘紅殘蝶翅翻風
靜綠暗鶯吮嚙日忙游絲飛時寒食早車馬城南多拜掃
夕陽影裏賣花聲游人半醉眠芳草壚憶黃公酒旆斜甕
遺陸羽茶烟裊何時休沐振鳴珂紗帽輕衫試越羅信筆
詩成還倦寫憶爾當年郭橐駝

寒食客秦淮憶舊

去年寒食長途客桃花落盡梨花白今年寒食客秦淮杏
花李花無數開東風凋殘白羽箭落日獨倚黃金臺縹塵
蕭騷吹病目破帽烏靴泥漉漉藜杖東山弔謝安悵望飛

雲仰天哭淒涼心事更誰憐
綠綺可以調絲絃子期已矣
我伯牙死高山流水空荒烟
王孫不歸芳草暮解衣沽酒
駢愁去誰言一醉可銷愁
酒入五腸肝膽露便擬揚帆
析木津仍期掛劍扶桑樹
志士長懷溝壑憂功名百歲
等浮漚雨晴浪暖河豚上
載酒滄江弄釣舟

題夏博士晉王羲之右軍像

上東門外胡雛嘯萬里塵飛
洛陽道潛龍東渡晉中興
群馬南浮國再造石城龍
從昔所都庶事草嗟良圖衣冠
簡傲禮樂廢朝廷曠放君臣
踈大令平生最超卓早年門

第居臺閣內史新除典要樞
右軍任重叅帷幄擅場翰墨
出神奇蔡衛鍾張早得之
畫長燕寢森兵衛日煖羣
鴉戲墨池來禽青李囊盛
寄裏鮪黃庭醉後題春風
三月山陰曲群彥流觴快
脩竹一時簪冕屬高風
百年文藻懷芳躅流落斯
文慨古今後代宸聰復
購尋小字昭陵傳玉宛
數行定武抵千金忽見
畫圖唯眼失丰神采
驚王立羽扇蕭疎晚日
晴烏紗彷彿秋塵襲
繁華如夢轉頭非典午
山河幾落暉唯有鳳皇
臺上月春風依舊紫簫吹

夫書未可易言也鳥跡既兆科科出焉天雨粟而鬼魅泣
河圖出而龍馬傳八卦畫而結繩解三才著而文明宣漆
書汗簡去古益剝落魯魚亥豕讀者成窮磨研湯銘商彝
彷彿款識在秦封石鼓但見鎖紐連六經多舛誤去聖逾
千年倉頡莫可考史籍何茫然李斯程邈更古制篆隸分
書如雲烟王次仲作楷法趨時易簡隨方圓蔡邕夢神授
八法鍾梁張李尤精專中間作者不可數大令小令聲名
絕今古何天經地緯而山峙川融亦玉振金聲而龍翔鳳
翥草字貴尊嚴真字貴風度大字貴結密小字貴寬裕樂

毅論太史箴筆力殊正直嚴、乎忠臣烈士之心告誓文
曹娥碑其容何莊敬肅、乎孝子順孫之儀孤雁賦逍遙
篇興趣托高遠出塵拔俗何翩、洛神賦畫像贊姿儀特
簡雅恭肅何敢犯是皆見義以成文非獨擅場而觴溢歐
虞褚薛柳与、顏方駕並軌何桓、米蔡蕪黃尚嫵媚趙
松雪公真傑、大書特書勒金石清苦平生非一日崑山
春草鳳雛鳴溟渤霜寒海青出前輩落、如辰星慨古開
門芳草生年來此事知者少、隱几看雲數飛鳥遶樹迎
秋落葉涼墨池經而蒼苔繞錢郎一年相別多過我顏色

如春和臨池刀筆已豹變滿紙墨汁翻鯨波燕子日長休
懶惰莫向清風北窓卧有鳥不鳴一鳴驚人有鳥不蜚一
蜚冲天後生可畏未可量也一羽雲霄期勉旃

予昔与孟思魯參戎事于三衢監司宋公幕府及兵
漕得間道還家遂歸休之志故歷叙之

嗟、漢燧昔沈耀橫流板蕩糜中截鬼母啼烟赤電走天
狗墮地金石飛 勤王涕沾臆義旆懸雲照白日劍擊

風雲向夜悲楫誓山河仰天泣君當少年功節殊短衣倒
騎生馬駒蠻牋草檄墨慘淡寶刀斫血腥糝糊奏凱對花

歌窈窕量沙卧雪宿瓊瑜運籌制勝常輕敵凭軾降城不
顧軀幕泛碧油陳雅樂漏殘銀燭合兵符孤軍轉戰經千
里蕭條榆塞塵沙起秦樹關河落日低漢宮鼓角西風哀
嫠女妖氛壓斷墻嚴灘殺氣連重壘羽書援絕關兵稀右
道行人畏蒺藜霜脚白骨飢鳥下秋入金瘡敗馬嘶虞姬
帳下將軍死公子門前壯士歸去國共憐王粲賦望鄉同
擬杜陵詩壯志無成還故里城西茅屋苔痕紫鈎簾聽雨
更焚香拄笏看雲時隱几自信胸澄渤海清寧憐氣与嵩
華比破浪誰擒北海鰲穿林學射南山雉笑傲行將下澤

車經綸懶取圮橋履草荒三徑掩衡門舊事相逢不必論
兩鬢緇塵銷歲月一雙蠟屐信乾坤湖上雨落飛落木與
子登臨散幽獨杖藜出郭踏江沙一笑尋僧看脩竹

潯陽行

江頭女墻啼野鳥亂石如壘驚濤呼潯陽九派控吳澤匡
阜千峰迴楚墟當時形勝夸疆土連雲宮苑旌旗樹庾亮
樓船赴國仇黥王版籍歸英主盛王一去水流東冠蓋繁
華處空兩岸蘆花浸明月滿汀烟樹鳴秋風古戍何人
曉吹笛客船莫向城邊繫翠袖琵琶夢已寒青衫易洒天

涯淚

青藜軒為劉子雍賦

頗聞天祿青藜杖雍也自是今劉向漢啓炎精著五行天
符火德明文象太乙光分五夜深卯金氣應三台上草堂
人稀清漏長紫薇花開金井涼昭回雲漢星辰爛黼黻文
章雨露香鏗金九節蒼虬幹叩門絕愛齊眉短桃竹風清
豹髓凝葛陂春早龍膏暖銀燭無神暮雨淒金蓮落艷秋
烟滿故人文采筆如椽制作于今軼漢賢萬里羽儀調玉
燭九重柱石際凌烟

秦淮書舍為端孝思賦

秦淮水金溶、犀峰迤邐以走北萬壑曲折而朝東盤礴
之秀山川所鍾金精伏地斗牛爛玉氣燭夜風雲從以之
定九鼎制萬國鳳臺鶴觀之龍蟠虎踞之雄春風三月城
東路紫陌紅塵映朱戶萬樹嬌花駿馬嘶千條弱柳流鶯
度楚榭春粧玉襯鈿秦樓夜宴金搖步鬢鬢秋痕曉霧輕
眉分晚黛朝雲妬浴下誰論杜牧狂臨印不數相如賦故
人結屋對江波厭聽朝、玉樹歌白苧裁成朝隱几黃庭
寫就晚觀鷺雲寒太史三冬足日閱牙籤常百軸志駕孫

康映雪勤心潛車胤囊螢讀舌捲波濤隘五湖氣雄島嶼
吞三蜀南金赤箭如圭如璋泰山北斗景星鳳皇有志未
可量也期爾萬民風雲翔

江都行

蕪城繁華天下美處、離宮闕紅紫綵女龍舟錦作帆內
宮鳳苑花裁綺芍藥珠簾十二重楊柳御堤三百里路車
巡幸翠華由夷夏梯航觀冕旒縣邑貢真三祝獻諸侯稱
壽萬年酬盤滢酒色窮侈肆晏安鳩毒亡邦祀四苑歌鍾
午夜遊東遼輜重三軍死寶成殿上奏鸞棲晉陽城外飛

龍起故國傷心非昔時五雲宮闕草萋萋東風寂寞雷塘
路月暗秋陰鬼火啼

寄徐宗周兼柬東楊煥文阮宗泰

李家池頭去年別大風揚沙天欲雪贈我鯉魚三十腮楊
柳穿來帶寒血今年八月芝山樓我欲少住君不留塞驢
落日冒秋暑鬢絲汗溢黃塵流近過阮公茅屋底說君沉
疴我不起九月十日方離床強健近來差可喜相望片雲
危石山來往每嫌消息艱斯文凋謝少知己恨不連塙相
往還却憶少年從義日聞雞不眠追狄祖逖殺敵風吹寶

劍腥打團雪壓雕鞍濕諸葛曾懷漢室憂包胥亦隕秦廷
泣投老相看海岳清風昔患難同離情歸來廬井有桑梓
拜掃丘墓除荆榛傳家書在晚還讀負郭田深春自畊愛
君窓前脩竹大聽雨何時對床卧却扶藜杖過楊兄使酒
怕集時罵座氣畧頗與常人殊天經地軌談陰符黃岡溪
頭懶垂釣未央前殿鬼上書功名定有國士報肝胆好將
民瘼蘓黃金臺高一千尺白日橫飛虎生翼呂望八十方
致身五十富貴朱買臣時來勲業自有待豈得甘作漁巢人

澶州城頭河水渾南城北城如虎蹲當年虜寇犯畿甸烽
火照夜驚邊城塵廟堂大臣惟肉食南幸蜀俱身利臣
瓊鍊歷老知兵臣準忠肝陳讜議九關半夜一鷄鳴大駕
南征詔書出虎臣武將爭駿奔龍旂豹尾如星屯六軍野
宿犯霜雪萬乘露次昭風雲金節翠旌先六轡黃蓋城頭
壓妖彗天戈晚渡國威張神箭星馳賊首殪重瞳一顧轉
乾坤萬歲山呼震天地胡虜氣懾不敢當稽首俯伏稱誠
惶三邊寧清海波霽四野桑麥紛牛羊至今唯有萊公廟
箫鼓年、歌樂康

題李陵蘓武泣別圖

臣有千古哀覆水一去難再回臣有三寸^舌染絲一黑難再
白丈夫瓦裂聲名虧漢不我得將安為吞聲長衣送蘓武
忠肝唯有青天知烟沙蕭條壓冰雪心事淒涼淚成血誰
憐冤魄老胡塵室有丹心瞻漢關日斷關河夕照迷茂陵
烟樹草萋、將身不似雲邊雁猶得年、故國歸

題諸葛武侯廟

武侯古廟臨江市碑仆苔荒字殘廢 巴西巫峽長父
老至今來拜祭木牛流馬將何施君才十倍過曹丕託孤

付國寄大事輔不可輔卿為之服肱竭力誓臣節五月渡
瀘親出師君臣氣義由肝胆千古淚落令人悲汾流不盡
潮聲咽嗚呼遺恨三分國沙際空遺八陣圖蒼梧雲暝秋
蕭瑟

義士歌

番陽胡公字振祖當元之季以義起兵克復郡治
紀功授饒州府判後從官軍轉戰至浮梁與敵相
拒糧盡矢絕義不辱憤罵以身死之鄉貢蔡淵仲
先生為之立傳予作歌以表其節義為至正甲子

也

崑崙盡裂黃河決京畿地毛白于雪鬼母啼秋天雨魚武
庫兵鳴劍飛血黃屋播越烟塵張四海感激思勤王都陽
胡公軀七尺義旗塞路寒無光鸞肩火色萬里壯虎氣電
目千夫強城頭陣雲壓鼙鼓醜酒椎牛題露布破釜沉舟
曉便征囊沙壅水宵還渡萬乘千襖驃騎營轉戰直薄浮
梁城孤軍糧盡朝飡草間道人稀夜煮冰鐵甲照霜弓影
曲寶刀磨月水痕腥旄頭芒射前星落恃勇驍騰身不却
淒涼馬草裏屍歸誰復聲名寫麟閣郡侯紀錄筆如椽父

老相傳淚泣然三尺荒墳何處是忠臣後代子孫賢

題崑崙曉雪圖

自有宇宙便有此山六丁智力憚疏鑿一氣神秀鍾嶺岏
九龍上蟠日月麗六鰲下鎮滄海溟寒西母雙鳧遠莫至
周皇八駿遙難攀萬仞皚々千古雪大明中開爛銀闕玉
京瑤圃恍瀛洲一洗胸中煩惱熱自非砥柱障狂瀾大地
蒼生混魚鱉摩挲此圖雙眼開令我宵次生崔嵬安于盤
石奠四海長歌萬里天風來

荊州護衛指揮陳公伯英鞍馬之暇焚香吟詩高懷

雅量令人起敬賦詩承教

將軍少年英氣豪學劍論兵談六韜龜紋璪甲紫絲轡虎
皮鞍韜紅錦袍三尺雕弓兩斛力八歲龍駒雙佩刀不憤
旄頭如火赤從駕南征破戎狄鳴雁啼霜瘴月昏駱駝載
雪糧烟濕羽檄流星烽火速舉旗誓欲靜三邊御杖榆塞
金瘡若洗箭沙泉戰血羶柳營日落鳴笳鼓玉帳籌邊月
當午酒壓蒲萄壯士歌花插琪珠美人舞奏凱歸來拜玉
墀天恩須宴畫樓西漢家未數蕭曹業麟閣丹青姓字題

棲碧樓為陳指揮賦

瑣窻斜隔紅塵道芳草湖簾晴不掃
堦前馬踏落花泥柳外鷺啼春色好
羅袍犀帶紫金魚壁上瑤琴床上書
雲扶城頭春雨過一庭脩竹讀陰符

雲湖漁樂圖為陳茂林賦

船頭書百尺船尾酒百壺
懶騎桃花馬濯纓雲水湖
手携珊瑚竿不掛朱虎符
壯心捲笠澤浩氣凌東吳
寒食春風三月暮暖帳桃花香
簇弱水三千錦浪江禹門九萬晴
江綠身被紫團宮錦袍靈槎不厭
銀河遙綠綸垂虹八百丈坐弄明
月吹鳶簫罡風冷挽凌袖手捫箕
尾聞雲璈

醉來晞髮支機石鼓柁天津釣六鰲

樓霞軒為王文璧賦

丹霞爛兮五色光
昭回雲漢成文章
朝逐神龍共寥廓
暮隨威鳳同翱翔
丹霞烜兮釀春酒
堦下萱花對晴晝
紫簫清瑟問齊謳
衣綵高堂獻眉壽
人生此樂真良圖
奉親報國多清娛
眼中富貴自有待
身退功成遊五湖
倒騎青鸞過玄圃
池上碧桃花滿路
褰衣笑拍洪崖肩
醉看滄海珊瑚樹

宿黃州城下懷蘓仙

五雲宮闕芙蓉苑燭觀金蓮賜宮宴翰林風日紫薇花錦
袍犀帶黃金硯一朝遷謫來黃州滿頭風雪寒飈、蹇驢
破帽秃雙鬢兒啼妻怒聲啾、瓶無儲粟家四壁斗酒誰
換烏貂裘飢腸一字不堪煮清苦占斷人間秋獨倚竹樓
題短句酒入五腸肝膽露自揜布袖捲天風統陸龍蛟起
烟霧九重忽報天恩來寒谷得暖陽春回黃封御宴賜顏
色賀客門迎車馬排朱輪早蓋五色誥赤霄白日登蓬萊
人生得失有如此覆手為雲翻手雨我因登眺撫江城歷
、東坡舊遊處臨高弔古不勝悲落日滄波白鳥飛金馬

玉堂天上夢茶烟禪榻鬢如絲

過南湖嘴

城頭開船北風起帆輕直過南湖嘴上水歡呼下水嗟龍
王廟前堆燒紙小婦攀罾楊柳磯淮藍換得鱖魚肥沽來
新酒不成醉卧聽隣船歌竹枝

宿潯陽

潯陽城頭秋雁啼霜寒木落江霏、孤舟晚泊日當西纜
繫石橋楊柳磯庾樓基廢迷烟樹猶記樓船爭戰處草店
蕭條野客過女牆依舊官軍戍逝水滴、送落暉繁華雲

變不勝題當年司馬青衫淚翠袖琵琶夢已非

求陸伯瞻作嬾雲莊圖

老米已矣房山逝江海丹青少奇跡故人胸次出神奇寫
法誰能識天趣倒翻墨汁金鑿餘珊瑚翡翠相縈行遠樹
浮青氣點滄遙山疊翠^烟模糊洞庭八月波如鏡一片玻璃
三萬頃白蘋香老雁啼霜九點蒼梧落秋影煩君為寫嬾
雲莊樹根絡石苔連墻丹崖深處三間屋坐弄紫簫書滿
牀

送丁兼善還荊州

大邦維衮國門戶軫翼纏纏分野次西帶巴樊控楚墟東
連吳會跨淮泗凌雲宮闕麗中天府下英豪抱世賢賓客
那能珠履宴簪纓不數玳瑁筵行旌枉顧溪頭屋瀟灑襟
期掬幽獨藍田相出奇姿紫畹瓊蘭藹清馥交情絕愛
眼中稀慷慨霏談不忍遣只恐王程軍務急速青雲荆樹
馬駝

送春詩

珊瑚鈎搭黃金索楊花香雪穿珠箔綠雲幡翠繡麒麟宮
衣初試羅衫薄雉扇班移牛漏遲麝煤浮硯墨淋漓筆掃

粉箋龍影動殿頭新賦送春詩

無題

春

春

春

春

春

春

春

春雨軒集卷之六

鄱陽劉炳彥著

律詩

題呂花園草堂朱雀橋

何處消殘暑城南茅屋幽晚烟將野色春樹帶江流
愛竹從兒種耽杯與婦謀生涯成老圃不是故時候

郊居雜興東陳遂良

桃李護成溪茅堂習隱栖泉聲溪碓急山色野墻低
相領原非燕圍腰底用屏不嫌生理拙抱甕灌我畦

風雨行人少柴門午尚扃土花沁砌碧山果墜枝青病眼
耽書癖衰顏托酒星徑邦方上武寐寔抱遺經

題朱澗盤卷

遙岑連碧澗茅屋俯青林徑晚花粘屐松寒雨潤琴酒甘
和菊釀詩苦帶茶吟却憶文園老歸來雪滿簪

寄子昇必昭昆季

烏石山頭路秋風已送涼野橋苔浸碧雲堆稻香黃扇影
搖衣桁書聲出草堂惠連無俗事垂釣濯浪滄浪

春夜直呈翰林諸友

中使傳金鑰嚴兵戒紫扉月高旂影直風急漏聲微鵲倦
驚龍燭螢閒綴鳳帟不眠瞻北斗拜舞敢遲違

得漢彛簡周伯寧索香灰

古彛多歎識蟠螭漢篆存黃金銷土色翠羽蝕雷紋綺席
流寒月銀屏度綵雲蘭灰能裏寄長吟晝夜分

歸舟懷善鄴廣海未回

梅子黃垂雨霽榴花紅簇風吹輕天際歸舟何處日暮紫
門自扁歌憶杯痕燈綠鬢憐鏡影驚青心朽少年塵夢絳
囊夜照流螢

七夕宿天堂寺

西風吹夢宿僧堂
誰遣黃金佈地裝
萬葉寶燈秋弄影
九重珠塔夜浮光
天連象闕星辰濕
龍護雲宮雨露涼
門外三車何必問
大千身色兩相忘

游丹青閣

橋南楊柳亂成行
出郭尋僧到上方
城拱烟霞開錦繡
山圍松竹奏笙簧
半簾晚翠涵溪閣
一枕秋雲護石床
安得遠公同淨業
白蓮池上挹天香

寄武夷隱者金復嬰

習隱名山四十年
羊裘鶴氅鹿皮冠
雲中杵臼聞雞犬
月下笙簧引鳳鸞
霞氣濕衣晨採藥
虹光穿樹夜燒丹
姓名漸覺無人識
種得胡麻祇自餐

青樓曲劉子雍胡伯清程伯羽全賦

畫簾落盡絳桃花
依舊尋芳小徑斜
鬢黛壓釵金有暈
臂酥釵釧玉無瑕
三千弱水波清淺
十二巫雲樹碧遮
郎馬不來春已暮
淚痕香斷濕琵琶
繡刺鴛鴦午睡長
體嬌無力浴蘭湯
生憎寶鏡竊成匹
死恨銀箏雁作行
舞罷柘枝低拜月
歌殘桃葉懶添香
愁來

自學秦宮女簾底吹笙引鳳皇
楚腰纖細引纏頭秋怯珠簾半約鉤雲鬋陽臺雙作夢月
生湘浦獨成愁鸞梳折齒花粘髓螺粉添眉柳帶羞雁過
碧天書帛斷悞教人倚小紅樓
寒鎖粧臺粧怯勻步金蓮小不成塵徑迷花雨鶯三月枕
壓梨雲燕、春衾剩半床閑翡翠釵分一股摩麒麟玉梅
好似郎顏色只見東風不見人

簡戴彥頤

故人結得草堂依老圃連城近市西碧注硯池荷葉露紅

粘屐齒杏花泥書懸牛角朝耕地飯飼魚苗夕灌畦只恐
長安雲路近馬蹄催夢聽朝雞

寄徐指揮

報國功成鬢欲蒼承恩分節下南荒劔磨鯨海遺腥血馬
渡龍沙帶戟瘡須宴曉治仙掌露賜衣春帶御爐香信陵
門下今誰在萬里雲霄一羽翔

呈西平侯沐都督西征

西王憑陵久不賓詔書五道出將軍龍光燭劍銷邊祿虎
烈揚旌塞陣雲周廟昔聞方炳頌漢廷今見貳師勳春風

三月鶯花禁歸騎笙歌奏凱聞

和都督馮公韻

鳳城宮闕倚蒼山
虎衛旌旗拂画闌
輦路霜清梅吹臘
御溝波煖柳欺寒
青雲每愧班超筆
華髮應慚貢禹剗
未信壯懷渾寐寔
錦衣鞍馬出長安

旅中除夕簡劉子憲助教張左司

麝煤凝鴨鎖窓虛
虎衛嚴城禁漏疎
鄉夢牽情千里遠
客愁隨臘一年除
酒痕釀暖春連甕
梅粉吹香晚近厨
自寫桃符燒短燭
壯懷那厭食無魚

元日早朝呈翰林諸公

禁城曉箭漏猶頻
仙掌微茫曙色分
虎衛鳴鞭曉紫極
寫輿迎駕擁紅雲
宮簾日轉旌旗合
天伏風飄劍佩聞
班次鵷頭簪筆近
徘徊袍日惹御香薰

早春呈吳侍制

上林春早陌塵香
紫禁觚稜射日光
新綠御河搖柳黛
小紅宮樹試桃粧
山連曉氣蟠龍虎
臺枕東風憶鳳皇
心折故園幽獨興
尋僧看竹過隣牆

文樓早朝東程邦民諸公

紫禁觚稜曙色微
五更三點聽朝雞
門開鳳闕鳴鞭肅
駕備馮輿簇伏齊
玉座衣銀燭爛金
甕湯餽翠簾依小
臣簪筆還朝晚路
繞芙蓉小苑西

春塞寄魏居敬

上苑春寒花信遲
東風不放鎮惟犀
柳塘沙冷迴鴛夢
草閣梁深落燕泥
苔館井楫蝸觸角
箒連香鼎麝凝臍
典衣刺欲銷殘塵
鬢暖日城南信杖藜

寄詩永明公冕昆季得夫先生

少年曾共請長纓
雲壓旄頭劍氣腥
諸葛有心扶漢室
包

胥無淚泣秦廷九
鰲夜徙龍沙黑
八駿秋迷鳥道青
一別關河俱白首
斷腸烟樹滿長汀

寄賈文彬巡撫

故人為別動經春
野後維舟送夕曛
銀燭照窻秋聽雨
角弓懸壁晚看雲
山城旌影中流見
草閣書聲隔岸聞
江漢茫茫多舊識
獨能坦豆說將軍

與子昇弟觀捕魚

柳條風脆已梳黃
潮落溪毛已露梁
帆脚壓霜寒殺網
柁牙移月夜鳴榔
載車有櫂曾沾渭
鼓柁無歌豈濯湘
又得

錦鱗長尺五鄰翁新酒正吹香

丁卯五春簡宗文昆季

玉管吹葭已應灰字題春帖子斜裁震司木德三陽泰律
協條風一氣回鸞輅憶陪趨御苑燕釵曾賜出宮醅文園
多病歸田早鸞影東風看野梅

呈西平侯沐公

股肱竭力定皇都開國功成與衆殊玉帶朱纓持虎節翠
交金鉞護龍車秦關柱石風雲會漢室山河日月扶慚愧
腐儒無補益得從門下曳長裾

簡陳考友伯諧伯純遂良

飛鳥長弓紫氣高馳驅王事寸心勞烏桓月黑迷犀甲雁
塞雲黃接虎韜禁漏尚聞金鎖闥御香猶惹錦羅袍劉郎
老矣歸來晚花落山中舊種桃

寄徐彥亨有懷操公琬先生

故家文藻獨遺芳喬木陰陰覆苑牆草壓山營迷虎旅樓
遺宸翰秘龍章芸翻囊影書帷靜竹映鸞群墨沼香訪戴
尚餘風致在夢懷風雨舊連床

天馬秋高壓楚壘碧溪晴樹晚縈行書聲連屋聞絃誦山

色當窓列畫圖
治縣已聞隍
避去解官曾有擯
白無百年者
舊多零落白髮相看媿故吾

悼亡呈敬義林

寂寞凝塵落暗簾
綺窓秋鎖月纖纖
紅銷蓮粉殘遺穢綠
萋菱香半掩
奩絃斷寫箏膠
擬續針閑鳳
繡吐還粘最憐
稚子黃昏候拜罷
靈几短燭添

慶張子明新居

華屋新成曙色開
蒼烟喬木帶縈迴
朱闌煖護宜男草
綠服香浮阿母盃
梅瓣粉飄催臘轉
柳條青鳥送春來
羨君

盡得溪山勝
不愛雲臺愛酒臺

賦牡丹東劉子雍昆季并呈黃景昂程伯羽

魏紫姚黃壓畫闌
名園三月雨初乾
舞迴金屋迎飛燕
宴罷瑤臺侍綵鸞
錦里獨憐池館在
清尊能共子孫看
行雲易逐東風散
莫惜狂歌爛熳歡

徐林度黃子初王仲愚同宿徐彥輔齋次韻

草堂不厭客
過頻清暑消塵帶
石林溪靜白鷗晴
泛影樹幽黃鳥晚
留音綺窓分榻簾
陰轉銀燭移尊漏
滴滴深向秀不堪鄰笛感
暮停秋思易傷心

寄表弟朱永容永實昆季

渭陽河畔畫樓西
紅粉闌干柳樹齊
窓底折花騎竹馬
街頭籠草闌山雞
銀屏褥隱鴛鴦
並綺戶窓凝翡翠
樓回首繁華成舊夢
對床風雨不堪啼

拜文公朱紫陽祠呈江惟干朱士正蘓明遠

奎壁垂光間氣鍾
儀型一代屬成功
泗沂道重尊天下
濂洛源分出建中
僻壤蟲魚沾化墨
中原麟鳳仰遺風
滄洲寂寞斯文弊
淚洒秋烟野殿空

過蕪城懷古寄程伯羽胡伯清劉子雍

珠簾十里瓊花月
唯見蕪城背夕曛
潮落邗溝迷廢壘
樹連瓜步帶殘雲
雄文猶記陳琳檄
故苑空遺煬帝墳
書劍昔曾趨幙府
白頭應媿鮑參軍

淮安懷古

淮陰城北水連空
漢將真成一夢中
古廟卧苔蝸觸角
故壇迷草鹿生茸
要君固有封齊責
赤族當存定楚功
漂母孤墳何處是
欲修萍藻荐西風

鄂城懷古

黃鶴磯頭鸚鵡洲
星分軫翼據江流
周瑜樓櫓風雲冷
庾

亮旌旗草樹秋折戟戰餘潮
蝕鐵量沙餉絕夜呼籌賦詩
橫梨今安在殘月啼烏故壘愁

長安懷古

西纏東洛建皇都四海梯航稱貢輸
楚霸恃強窺寶鼎越裳遵化賜駟車
銅駝卧棘侵戎虜野鹿啣花叛羯胡
玉輦金輿俱寂寞離黍禾黍感丘墟

襄陽懷古

東連吳會接南荆西引岷峨鳥道青
波漲潭溪魯躍馬臺荒郢樹憶呼鷹
鹿門龐老遺殘徑峴首羊公有故城
零落

斷碑風景異至今父老涕縱橫

梁園懷古

紫炁紅光甲馬營逶迤汴水繞神京
侯嬴魯執夷門轡朱亥能移晉鄙兵
公子宴春珠結履道君朝斗玉吹笙
鑿輿一去繁華改秋雨荒畿燐火生

秣陵懷古

鳳皇臺倚鎮淮東六代江山指顧中
晉印黃旗曾渡馬金陵王氣已飛龍
橋通朱雀連丹闕卷繞烏衣接紫宮
王謝堂前雙燕子落花寒食又東風

錦城懷古
炎火中微建大旗
王師頻出劍關西
烏蠻地控南雲險
白帝城高北斗齋
霸業三分扶漢室
雄才十倍勝曹丕
神州未復英雄死
八陣圖成國祚移

錢塘懷古

雲開天目界
鈎陳五衛旌
旗拱紫宸甲
馬壓潮知北
運珠龍沉海
失南巡乘鸞
王母迷青鳥
飛虎將軍卧
石麟腸斷蘓堤
上柳年
春色翠華新

燕城懷古

廣寒宮殿玉為樓
萬歲鰲峰壓九州
番國胡僧青鼠帽
天魔宮女綵龍舟
勾陳蒼闕山南拱
太液紅橋海北流
唯有盧溝上月年
鴻雁不勝秋

姑蘇懷古

城挽姑蘇笠
澤西垂虹橋
樓草烟迷闔閭
古墓騰金虎
西子殘池失水庫
扶目樹荒羣鹿走
捧心臺廢亂鴉啼
館娃香迳歌遊處
響簾廊空落燕泥

咸陽懷古

勢踞崤函百二雄
阿房樓閣正當中
坑儒劓谷灰
鐘墨繫

頸咸陽火已紅紅斷血腥空大澤龍成寶氣近新豐秦功
漢業今何處落日沉西渭水東

冬至日賜飲膳賦詩

律回葭琯已生陽氣轉洪鈞萬國昌五色雲霞呈粵彩九
重日月見龍章官厨分膳羔凝臘宮使頒壺洛泛香病骨
龍鍾沾雨露野人無地報恩光

除夕東丁兼善

荆門樹色雪初乾客舍年華臘又殘衰朽每膺聖主念旅
棲多賴故人安篝痕凝翠香煤煖窻影搖紅蠟炬寒自喜

明年春信早鶯花澤國趁歸鞍

早朝承恩殿

鈞天仙樂奏成韶三十六竿吹紫簫闔闔曉開黃道轉蓬
萊春近土宸高壺輿伏簇行龍尾宮扇班齊引鳳毛自慶
腐儒頭總白御香猶惹舊羅袍

燈夕

鬢影東風春雪晴又從元夕客江陵輕寒簾幙家、酒明
月笙歌處、燈雲擁鰲山金絡索天連鳳闕翠觚接瓊林
歌舞花成陣宴賜黃柑憶昔曾

題王粲樓

漢燧滄輝鼎未分英雄無地托芳隣中原紫氣爭龍虎大
野玄陰闕鳳麟地控烏蛮通楚澤城連白帝樓荆門登臨
不盡關何壯醉倚闌干筆有神

娥皇廟

南狩軒車六轡摧娥皇遺廟儼江隈繡幡日月護龍冕翠
嵌雲霞九鳳釵眉黯蒼梧迷徑襪淚封班竹鎖粧臺祇今
父老猶生敬伏臘稱臣撥篆灰

關帝廟

不憤炎靈國步迤忠肝義膽整乾坤紫髯猶帶風雲色赤
驥曾蒙戰伐塵一劍三分存社稷寸心萬死托君臣氣凌
華夏曹瞞走遺廟空山薦楚蘋

都城發舟上荆門

霜清繫船楊柳汀酌酒鼓柁將南征魯叟秉桴欲浮海學
士揚袂曾登瀛白髮彈冠亦奇節金門獻書唯寸誠玉府
牙籤三萬軸摩娑老眼憫平生

官果

每蒙明主念微臣官果頻頒品味新勅遣翠罍分紫署恩

傳玉食下丹宸蜜脾甘沁蕃薇露駘乳香浮茉莉春頭白
文園多病在媿無詞賦氣凌雲

賜衣

十日江城雪擁門宮衣頒賜念微臣天機織處經綸密雲
錦裁成黼黻新寵被光榮沾雨露暖回哀朽感陽春祇慚
蒲柳桑榆景犬馬丹心敢後塵

春雨軒集卷之七

都陽劉炳彥著

絕句

聞魯志敏訃音

故國猶傳箭中原未解戎遙聞故人死嗟淚落秋風

秋夜對月寄汪宗彞

宮樹涼生絳闕玉階影轉銀河曾侍梨園供捧夢魂猶記

笙歌

抗節誓平

請纓願繫樓蘭塵澁腰間白羽猶思射虎

南山

辨舌曾歸白壁酬恩盡散黃金范林梯袍誰念悲歌自費

瑤琴

薄技寧為雞口雄心每倚魚腸弊矣布袍凌袖御爐猶帶

天香

拜墓發京簡張子鳴表弟

夢我之詩可讀風木之感無邊天涯不堪為客墓傍猶未

有田

思親不堪泣涕這時未有勛名斷機之訓猶在牽裾之恨

幾成

題葉楚庭醉漁卷簡彭敬宗劉子原子戴子明

落盡荼蘼草覆裯二分流水一分塵小車都載鴉黃酒蘇

小墳前醉過春

渴眠蓬底口涎流麩藥為池糟作丘便向五湖成浪死墓

題應得最鄉侯

京口中秋

歸棹前年酒滿缸牽衣稚子慰離腸却連月色連秋色依

舊他鄉是故鄉

奉天門進膳

江上風高未授衣
金溝楊柳得秋遲
不因宮宴糕糜粥
客裏重陽總不知

出龍灣之東阿

行李蕭條出鳳城
鄉閭漸遠不勝情
客舟今夜寒橋泊
腸斷江流作雨聲

京城元夕

五年無路掃梧楸
夢裡關山只淚流
誰送寒燈先到壠
異鄉明月故園愁

泊丹瓜洲懷舊寄顧利賓王又新隱居

潮聲月色滿江船
回首春風十六年
憶得石橋楊柳巷
珠簾銀燭聽歌眠

京城題家書後示善騰諸姪時玉珊自西河歸

莫遣春泥污短鞵
莫將鵝鴨惱隣家
憲前好種芭蕉樹
寫好題詩寄阿爺

虎牢雁門通馬邑
酒泉黑水接流沙
憐爾西行一萬里
且喜除夕得還家

別時織手牽衣送
想見了鬟似漆光
莫向堂前惱阿母
海

榴窓下繡鴛鴦

短褐欺寒凜鬢迷當門新築野墻低何時傍竹結茅屋與
爾長嗟烏夜啼

經露筋祠

珠湖烟雨散晴暉帆落風輕短棹避春草斷垣斜日裏行
人猶說露筋祠

望丹陽郭經楊子橋

楊子橋邊楊柳新青帘斜照送行人明日揚州看花去祇
憐不似舊時人

暖風晴日丹陽郭處處東風似舊遊記得杏花寒食候紫
簫紅袖宿溪樓

題舅氏亭簡朱原立陳遂良原輔

渭陽池館花如霧曲曲闌干面池記得少年遮妓飲至
今楊柳學腰肢

同周伯寧連床劇飲悲歌有感

醉來拔劍斫珊瑚懶向侯門更曳裾夜半聞雞眠不去草
堂秋雨讀陰符

漂零書劍媿無成日夜秋風白髮生倘得黃金三萬兩肯

將籌策讓陳平

東湖憶舊簡劉子雍胡伯清汪宗彝

蕭家巷口花如霧紅粉闌干酒旆斜
記得少年曾繫馬如今無樹可啼鴉

離懷寄汪宗彝楊孟瑄魏居敬

綠樹啼鴉春又歸雨晴山徑濺春泥
楊花不似離情薄故趁東風逐馬啼

垂：江雨作春波江上行人唱晚歌
莫遣青燈照衣袂酒痕不似淚痕多

墓州寄斯貞姪

江上飛花處：新春山啼鳥似呼人
可憐愛酒無虛日忘却劉伶墓草青

送黃彥美還會稽彥美常從故侯買里古思以兵守

越後雪仇報恩一時稱誦

君去應須到會稽故侯墓上草離離
信陵門下三千客零落東風更有誰

少年賓客東南盛金錯龍泉手自提
今日蕭蕭：鞍馬裏五更趨府候晨雞

更飲暮春寫懷

晴雲飛錦柳樹斜雨餘紫陌淨無沙春山日、騎官馬兩袖東風看落花

官筵題就送春詩簪華承恩出殿遲病目墮鴉不成字粉箋香黑惜烏絲

揚州書記髯蒼、每向春歸欲斷腸刺欲典衣沽酒飲風流無復少年狂

青梅煮酒蕨芽肥倦客懷家入夢思想得故園風景好一庭香雪落茶蘼

春雨軒集卷之八

都陽劉炳彥著

詩餘

虞美人 重游三山感舊

信陵門下簪纓客寂寞頭多白重來無復舊交游上馬臺邊烟草不勝秋風流雲散繁華去猶指將軍樹長歌何處弔荒丘哀淚淒涼不盡與江流

虞美人 汴梁懷古

春風芳草梁園路玉輦今何處香銷珠翠舊粧樓惟有

脂井畔水東流
傷心太液池頭月清影圓還缺萬年枝
上野花開腸斷年
不見翠華來

憶秦娥送別

溪頭柳青、折贈行人手
行人手最傷心處西風重九
陽關一曲長亭酒停鞭欲去仍回首
仍回首少年離別老
來依舊

憶秦娥舊春

新春李無情風雨能消幾能消幾
一分塵土二分流水
劍光羞澁空頻憶舊游
紫塞雲如墨雲如墨
壯心零落鬢

絲凝縷

滿庭芳壽許得夫先生

白露橫空金風薦爽銀河涼陰西流長庚一點文彩照南
洲懸孤當年壯志過庭訓鉛槧燈篝青雲夢黃槐丹桂東
井劫灰浮鈞陳迷太液紫駝蒙雪玉馬嘶秋悵黍離
生感多少閒愁短褐歸來老硯生涯舊茅屋澹洲蟠桃熟
朱顏鶴髮綠酒湍金甌

滿庭芳楊煥文趨召還

象闕星辰鳳臺春色觚稜仙掌金莖瓊林侍宴天語記叮

噀日近龍顏開霽紅雲擁雉角
鸞停金溝暖萬年宮樹時
曉曉鶯聲賜歸優詔許
劍懸蛟影箭委雕翎對寒食
飛花流水柴荆自笑投林倦
鳥繁華夢誰問功名溪山好
船頭載酒醉裏釣絲輕

念奴嬌 寄徐指揮

中天日麗轉洪鈞紫鳳黃龍呈瑞
附翼攀鱗登慶會誰是
晚成之器擊楫中流聞雞而起
多少澄清志斗牛南射寒
光炯：垂地 報道王塞秋高
虎皮雕羽箭西征遼水胡
虜平來頭欲白壯矣風雲英氣也
日歸與堂開綠野富貴

功名遂故園松菊鄰翁釀酒同醉

水龍吟 己巳端午

海榴庭院初長日梅雨弄陰弄霽
驚心節序艾枝懸綠
蒲浮碧衣賜香羅憶陪官宴
御爐烟細媿相如多病歸來
鬢絲如縷 往事風流莫記
黯江山舊游莫凝睇湘波
吊雪楚峰淒黛荆雲愁壘
魚腹沉冤衆人皆醉一尊誰
酌獨登臨詞客興亡多恨灑
青衫淚

水龍吟 御溝紅葉

御溝暖透溫泉柳容不覺西風早
紅葉飛來珠簾塔處始

知秋老訊步瑤階雁沙香褪機羅嬌小謾宮袖微揜玉纖
輕拾胭脂濕露華清曉寶硯看薰煤麝試霜毫龍蛇縈
統芳題錦字翠嚙紅怨帶真連草天上人間為憑流水春
心多少謾毀動寄去無情有恨綠雲青鳥

卜筮子 春曉

簾幙棟花寒啼鴉吹春去芳草天涯綠漸迷烟樹無重數
老驥頓長纓猶憶雲霄路流水孤村獨掩門戶白晝東
風暮

浪淘沙 寒食

野徑土墻斜桃李桑麻紙錢飛處亂啼鴉祭餘携去酒寒
食野人家苑樹憶天涯遺恨琵琶銅駝衰草卧龍沙漠
寢唐陵無麥飯暮雨梨花

浪淘沙 惜春

年少為花愁珠箔青樓竹西歌吹古揚州翠袖舞低楊柳
月醉倒還留扶老憶狂往事都休繁華如夢水東流飛
絮落花春去也白了人頭

滿江紅

水北幽居抱柴門一溪寒山玉萬疊青林當戶白雲連谷

乳燕落紅春又晚
桑麻三徑多松菊
喜新晴布穀又催耕
秧分綠
林頭酒何時熟
謀諸婦明朝澆
護黃雞炊黍共
邀隣曲舊夢風雲銷
俠氣繁華看破知榮辱
扁舟釣罷
晚歸來書還讀

醉蓬萊

正清秋絳闕華蓋天高
金風銷暑海濤鯨波喜瑞流虹渚
黃道星辰紫薇雲氣擁蓬萊
深處萬國衣冠四夷玉帛兩
階千羽
雉扇初開嬪妃魚貫九奏簫韶鳳皇咸舞內使
傳宣記叮嚀天語喜溢顏
大地豐登九衢甘雨

水調歌頭

鳳苑東風早柳眼已催春
御溝冰泮微綠宿雨浥芳塵
燕
子歸來時候寒勒小桃未放
初試薄羅新九市閑坊管萬
戶慶燈辰
對鰲山馳寶馬競朱輪
倚羅叢中香霽爭道
漏聲頻臺榭花陰如畫
卷陌月華如海心事翠眉
頻舉酒
強歌笑獨憶去年人

鳳凰臺上憶吹簫

丁巳中秋感舊

銀漢無聲淡雲籠月汀烟落木蕭蕭
悵西風萬里江上停
梳玉砌雕闌何處霓裳曲
鳳管鳴簫休重問心往事都付

寒潮河橋當年惜別翠雁濕啼痕歛社魂消感新愁磊
塊有酒難洗行徑紅蘭香歇低顰念暮朝銀屏悄定
應粧晚宮黛慵描

木蘭花慢

辛酉九月

寫長空一雁又景物是重陽甚雨暘東籬數抹青蕊未放
秋香搯筇倦登高處掩柴門衰柳映橫塘日暮江聲哀
西風鬢影蒼々當年歌舞翠紅鄉一曲杜常娘曾擊碎
珊瑚玉人扶醉銀燭成行回頭已成陳迹早歸來茅屋石
田荒謾把清樽遣興都非少日踈狂

春草碧

燕城懷古

平山堂下東風何處海棠春瓊花月橋上十里珠簾金釵
翠袖歌聲徹醉倒玉人扶銀燭揭莫問舊日江山幾多
離別却憶錦帆游迷宮闕回首故苑繁華豪氣五陵都消
滅新柳鎖寒烟潮聲咽

壺中天慢

年少踈狂擬晞髮扶桑濯纓陽谷北適幽燕東適越爭道
中原逐鹿抗節登車悲歌倚太華清如粟聞雞中夜秦廷
曾有人哭誰憶萬里關山塵凝箭羽慷慨嗟解肉白髮

青衫歸故里多少泥塗之辱却羨淵明休官彭澤三徑連
松菊迎門稚子殘書老硯茅屋

平江城外海龍居
東風吹綠柳
春水漲平橋
遠上寒山石徑斜
白雲生處有人家
停車坐愛楓林晚
坐看牽牛織女星
天階夜色涼如水
坐看牽牛織女星
天階夜色涼如水
坐看牽牛織女星

石梁林岫水風涼
綠柳東風吹
春水漲平橋
遠上寒山石徑斜
白雲生處有人家
停車坐愛楓林晚
坐看牽牛織女星
天階夜色涼如水
坐看牽牛織女星

翠山
翠山
翠山
翠山
翠山
翠山
翠山
翠山
翠山
翠山



